

Хальмг гөргд

Кесг джил хооран
Көдән ут хаалгъар,
Хәрдж йовад зууран
Хош бәәсн герәр

Орн-гархар седәд
Орс поэт буугъад,
Хальмг берлә таньлдла,
Хурц шүлгән нерәдлә.

Тиигхд мана бер
Тулгъдан хәәсән нерджәдж,
Дуучд өвргддж тер
Дарунь цәәггән самрджадж.

Цә болтл
Мөрн амртл,
Шүлгч шүлгән—
Шинджин булган,

Ишкә герт
Инәлгъдж берд,
Толрхагъар умшснднь
Тег талвасмн.

Өврджин угнь тегәдчн
Онъдин алтар барлгдна,
Туугинь берәд одачн
Товчлдж чееждән хадгъл-
на.

Эндр хальмг гергд
Эсвтә джиргълин кергт,
Унтә шивәс босхна,
Урдән хардж өскнә.

Эдн Пушкинд бахтна,
Эрдм-сургулян гууткнә,
Сен-Мариг умшна,
Сәәхнәр биилдж тошна.

Хальмг күүкдин нерн
Холд хөөдтәггән туурна,
Шуургън, галвиг зөрн,
Шин джиргълән делднә.

ХОНЬНА Михаил.